

# LA BIBLIA HEBREA, SIN VOCALES

**Biblia Hebraica Stuttgartensia** (Hebrew Bible, Masoretic Text or Hebrew Old Testament), edited by K. Elliger and W. Rudolph of the Deutsche Bibelgesellschaft, Stuttgart, Fourth Corrected Edition.

¶ **Ley (Pentateuco):** 1. [Génesis](#) – 2. [Éxodo](#) – 3. [Levítico](#) – 4. [Números](#) – 5. [Deuteronomio](#)

¶ **Profetas (anteriores):** 6. [Josué](#) – 7. [Jueces](#) – 8a. [Samuel I](#) – b. [Samuel II](#) – 9a. [Reyes I](#) – b. [Reyes II](#)

(Profetas posteriores, mayores:) 10. [Isaías](#) – 11. [Jeremías](#) – 12. [Ezequiel](#)

(Profetas posteriores, menores:) 13a. [Oseas](#) – b. [Joel](#) – c. [Amós](#) – d. [Abdías](#) – e. [Jonás](#) – f. [Miqueas](#) – g. [Nahum](#) – h.

[Habacuc](#) – i. [Sofonías](#) – j. [Hageo](#) – k. [Zacarías](#) – l. [Malaquías](#)

¶ **Escritos:** 14. [Salmos](#) – 15. [Job](#) – 16. [Proverbios](#) – 17. [Rut](#) – 18. [Cantares](#) – 19. [Eclesiastés](#) – 20. [Lamentaciones](#) – 21. [Ester](#) – 22. [Daniel](#) – 23a. [Esdras](#) – b. [Nehemías](#) – 24a. [Crónicas I](#) – b. [Crónicas II](#)

## GÉNESIS

1:1 בראשית ברא אלהים את השמים ואת הארץ:

1:2 והארץ היתה תהו ובהו וחשך על-פני תהום ורוח אלהים מרחפת על-פני המים:

1:3 ויאמר אלהים יהי אור ויהי-אור:

1:4 וירא אלהים את-האור כי-טוב ויבדל אלהים בין האור ובין החשך:

1:5 ויקרא אלהים לאור יום ולחשך קרא לילה ויהי-ערב ויהי-בקר יום אחד: פ

1:6 ויאמר אלהים יהי רקיע בתוך המים ויהי מבדיל בין מים למים:

1:7 ויעש אלהים את-הרקיע ויבדל בין המים אשר מתחת לרקיע ובין המים אשר מעל לרקיע ויהי-כן:

1:8 ויקרא אלהים לרקיע שמים ויהי-ערב ויהי-בקר יום שני: פ

1:9 ויאמר אלהים יקוו המים מתחת השמים אל-מקום

אחד ותראה היבשה ויהי־כן:

1:10 ויקרא אלהים ליבשה ארץ ולמקוה המים קרא ימים  
וירא אלהים כי־טוב:

1:11 ויאמר אלהים תדשא הארץ דשא עשב מזריע זרע  
עץ פרי עשה פרי למינו אשר זרעו־בו על־הארץ ויהי־כן:

1:12 ותוצא הארץ דשא עשב מזריע זרע למינהו ועץ  
עשה־פרי אשר זרעו־בו למינהו וירא אלהים כי־טוב:

1:13 ויהי־ערב ויהי־בקר יום שלישי: פ

1:14 ויאמר אלהים יהי מארת ברקיע השמים להבדיל בין  
היום ובין הלילה והיו לאתת ולמועדים ולימים ושנים:

1:15 והיו למאורת ברקיע השמים להאיר על־הארץ  
ויהי־כן:

1:16 ויעש אלהים את־שני המארת הגדלים את־המאור  
הגדל לממשלת היום ואת־המאור הקטן לממשלת הלילה  
ואת הכוכבים:

1:17 ויתן אתם אלהים ברקיע השמים להאיר על־הארץ:

1:18 ולמשל ביום ובלילה ולהבדיל בין האור ובין החשך  
וירא אלהים כי־טוב:

1:19 ויהי־ערב ויהי־בקר יום רביעי: פ

1:20 ויאמר אלהים ישרצו המים שרץ נפש חיה ועוף  
יעופף על־הארץ על־פני רקיע השמים:

1:21 ויברא אלהים את־התנינם הגדלים ואת כל־נפש  
החיה הרמשת אשר שרצו המים למינהם ואת כל־עוף  
כנף למינהו וירא אלהים כי־טוב:

1:22 ויברך אתם אלהים לאמר פרו ורבו ומלאו את-המים  
בימים והעוף ירב בארץ:

1:23 ויהי-ערב ויהי-בקר יום חמישי: פ

1:24 ויאמר אלהים תוצא הארץ נפש חיה למינה בהמה  
ורמש וחית-ארץ למינה ויהי-כן:

1:25 ויעש אלהים את-חית הארץ למינה ואת-הבהמה  
למינה ואת כל-רמש האדמה למינהו וירא אלהים כי-טוב:

1:26 ויאמר אלהים נעשה אדם בצלמנו כדמותנו וירדו  
בדגת הים ובעוף השמים ובבהמה ובכל-הארץ

ובכל-הרמש הרמש על-הארץ:

1:27 ויברא אלהים את-האדם בצלמו בצלם אלהים ברא  
אתו זכר ונקבה ברא אתם:

1:28 ויברך אתם אלהים ויאמר להם אלהים פרו ורבו  
ומלאו את-הארץ וכבשה ורדו בדגת הים ובעוף השמים

ובכל-חיה הרמשת על-הארץ:

1:29 ויאמר אלהים הנה נתתי לכם את-כל-עשב זרע זרע  
אשר על-פני כל-הארץ ואת-כל-העץ אשר-בו פרי-עץ זרע

זרע לכם יהיה לאכלה:

1:30 ולכל-חית הארץ ולכל-עוף השמים ולכל רומש  
על-הארץ אשר-בו נפש חיה את-כל-ירק עשב לאכלה

ויהי-כן:

1:31 וירא אלהים את-כל-אשר עשה והנה-טוב מאד

ויהי-ערב ויהי-בקר יום הששי: פ